

本事詩目錄

楓江漁父 徐 鉉 編輯

卷五

田 藝 衡

顧 養 謙

呂時臣

陸 弼

王伯稠

林 章

劉望岑

卓發之

王叔承

沈明臣

顧大典

鄔佐卿

陳薦夫

徐 渭

丘齊雲

附呼文如

本事詩卷五日錄

馮琦

干慎行

錢道行

王山

李袞

顧有翼

潘之恒

鄒迪光

沈珣

周應儀

陳鶴

范汭

顧斗英

張懋儀

黃奐紀

劉黃裳

華淑

徐燭

姚士彝

袁宏道

周俊

程奎

朱茂暉

吳璵

本事詩卷五日錄

前集

楓江漁父 徐鉉 編輯

桐鄉 汪肯堂 重校刊

田藝衡 子藝錢
塘人

子藝好酒任俠善爲南曲小令衣絳衣挾雙鬟遍遊湖上逢好友則令
小鬟進酒官僭內子遊山日暮不得巾車竟一蹶共跨入城岸然不顧

西湖題小桃王氏別業

柳外朱樓綯綵霞阿誰湖上浣春紗留人乳燕初鳴子 燕鳴以語雛也見樂府 暎面天桃恰試花

試一作始 輕薄未應來鄴下呢喃多是怨王家東風頻駐青驄馬無那橋西酒旆斜

觀舞絙妓示座客

太平多妙劇走索著西京舞閣初翔鳳歌塲乍囀鶯彩繩凌漢架美女步虛行獨立

停鸞穩雙飛去燕輕倒垂身若墜偃臥體無傾似蝶和花落如猿得樹爭却馳人豈
敢交度衆咸驚驚麗日行邊近祥雲到處迎非烟新得號廻雪舊知名整袂應忘倦扶
龔更有情冶容因笑發愁態爲酣生神雨沾衣濕仙霞映臉明渾疑天上降須向掌
中擎楚客如相見何能憚絕纓

秋夜聽張嬌彈琴

趙瑟秦箏樂已耽阿嬌一曲解沈酣都將白雪心中事寫作清風指下談塞鴈不來
秋七八落簾半捲月西南知音爲爾渾無賴落盡庭花思正憨

美人如蓮花北鋌歌

唐有田使君美人如蓮花北鋌歌岑嘉州所云世人有眼應未見諸客見
之驚且嘆者是也偶觀胡旋率爾吳歛

長竿大嫺昔曾覩屈柘女兒何足數鴛鴦蜀錦匝地鋪試看蓮花北鋌舞美人顏色

本蓮花倒影清溪蕩彩霞飛珮筵中疑雪轉擎身掌上畏風斜大垂小垂宛鴻鵠東
旋西旋羞鸛鵒不獨歌喉似貫珠却訝仙蹤成弄玉貫珠弄玉兩嬋娟繡襪凌波步
步蓮荊玉反腰殊入畫陽阿躑足最堪憐羽衣乍駕丹丘鶴鵠索仍催白翎雀秋風
江上采芙蓉曉露階前翻芍藥芍藥芙蓉本竝頭鵝鵠鰈不單遊公孫渾脫露生
劍王母山香雪滿樓翠翹狼藉裙牙綯玄鬢鬚鬆眼光溜上客無辭一夕歡主翁更
進千年壽忽然入亂月明低羌筵胡笳漢馬嘶寶鼎烟消銀燭冷半醉不醉能癡迷
吾家使君有此樂詩人未見徒驚愕三千珠履不如卿對卿但惜蓮花落

曲未終百花盡落蓮
花落者元樂府名

西王母宴羣
仙舞山香一

席中逢故顧閣老家侍兒

幾年流落在錢塘半面琵琶淚兩行妝閣不聞鸚鵡喚舞裙猶帶鷓鴣香翠屏珠戶
生前隔柳葉桃根恨最長我亦近來飄泊甚醉中爲爾一沾裳

柳毅井

堯山堂外紀曰具區東山有井深邃世呼爲柳毅井卽唐所傳洞庭君歸柳毅事嘉靖中田子莚同友人遊洞庭見此井酒酣吟一絕句時林月漸明隱隱見一美人若隔煙霧遙和云橋花如雪晚風清迢遞關山春夢驚明月一天涼似水不堪重省舊時情吟罷忽不見明日掘井得一石碑題曰龍井因建祠其上

橋花垂蔭碧闌干此地曾經柳毅傳卿亦有書言寄汲深千尺轆轤懸一作轆轤腸斷碧絲烟

王叔承承父崑崙吳江人

承父入燕縱觀西苑南內之勝作漢宮數十曲流傳禁中其卒章云梨園歌斷萬花天風雨寒鈴憶舊筵怪得人間傳秘曲江南春老李龜年晚遊洞庭時命吳姬倚酒歌之

鐵笛歌有序

陳生樸家本武昌始祖以開國功官海上祖有鐵笛名鐵龍失之且二百

年矣有客自海上持來解裘贖之制古聲冽因沽酒弄梅花調余歌焉

武昌老笛名鐵龍洪武之間來浙東江湖萬里忽相失當時哭死陳家翁流落人間二百秋蒼龍化去青天愁子孫累世竟宗器漢家寶劍周天球或言攜李豪家得夜

夜龍光射南極十年空費陳生心
購問慙無萬金直一朝海客持相換
生脫貂裘婦釵釧合浦重歸明月珠
精魂似識先人面太古琅玕輕欲折
孔竅參差頭尾裂丹砂錯落水銀花
苔痕蝕盡并州鐵薄如藤紙枯如木
燈前三弄秋聲蹙萬點梅花灑席寒
夜半空山扣哀玉羌兒虎踞鳴塞鴻
怪蛟人立吹烟竹憶昔汝祖浮洞庭
瀟湘片月開黃陵純陽真人坐黃鶴
漢江綠酒傾瑤瓶飄然將笛下東海
鐵龍聲斷江風腥汝今與笛竟何適
楚水吳山愁客星汝祖從戰鄱陽漬
佩刀曾佐高皇勦歎汝飄零把孤笛
丹青竟作曹將軍半生我亦懷青蘋
袖來不用生龍鱗不如黃鶴樓前換
酒聽吹笛與君醉殺湘江春

有調

相思迴夢入青屏
隔夜紅綃月色微
巫峽行雲含雨出
章臺折柳帶春歸
翠開鏡裡新沾黛
笑拂牀頭舊舞衣
怪得鶯鶯憔悴死
鴛鴦花下又雙飛

茗州席上戲贈晉陵朱說書

君不見蘇秦無賴子開口風濤吞萬里只爲家無二頃田播亂乾坤圖羣蟻張儀大笑世亦傾妻子休愁舌未死朱生有口亦不塵千年舊事翻爲新掀唇擊掌變態盡能令人喜能令顰劉項興亡在頃刻喚來野鬼皆生人棚頭傀儡影中戲英雄一往誰復眞君不見羅生水滸傳史才別逞文輝爛草莽雄心不自成指點星灑江漢馬遷丘明走筆端神機顛倒莊周幻滑稽玩世天所囑語落蘆花秋夢斷太史弄奇左傳浮達人往往疑春秋土中髑髏難自辨霜寒草白蟲啾啾男兒有眼不如瞽無端信書被書苦秦火微茫隔荒荒楚稗官國史爭頡頏回首黃梁猶在釜堯囚舜篡然不然齊東野人歷歷數玉帝閻羅老無力白日人間縱妖蠱撫劍四顧餘不平且把葡萄聽水滸

顧養謙

益卿南
通州人

蘇州歌

闔廬城外木蘭舟，朝泛橫塘暮虎丘。三萬六千容易過，人生只合住蘇州。

沈明臣

嘉興縣人

寄題長干美人趙昭陽之作

輕盈掌上艷陽新，再覩昭陽殿裡人。誰說六朝金粉盡，一身當得秣陵春。

呂時臣

中父鄞縣人

李太常伯華江上草堂雪夜出妓彈琵琶

北風吹雪晝易昏，樹深竹密江上村。紅燈照席不知夜，忽有遠客驚叩門。繫馬登堂不問姓，不顧傍人卽坐定。座中舉目皆英豪，主人呼出鄭櫻桃。紅絲裊地氍毹煖，簾額粉香落鳳毛。小大忽雷手中出，須臾翻作鬱輪袍。媚臉斜凝新病眼，一曲低徊黃金槽。衆客聞之各掩淚，潯陽此夜我先醉。天涯海角同此心，古人意氣輕黃金。瞥然

本事詩卷五

上馬出門去酒酣寒極天將曙

顧大典

道行吳江人

衡字家居擅園池亭館之勝揮毫染翰風華流映撰青衫葛衣諸劇梨園子弟多歌之

沈少卿席上有贈

曾向毘陵怨別離十年重見不勝悲相看共有江州淚濕盡青衫是此時

陸

弼

無從江都人

觀薛素素挾彈歌

蒙叟曰素素吳人能畫蘭竹作小詩善走馬挾彈置彈于小婢額上彈去而婢不知少遊燕市與五陵年少並轡出郊觀者如堵爲李征蠻所疑其畫像傳入壁嗣西陽彭宣慰深慕好之吳人馮生自詭能致素素費金錢無算久之語不應宣慰怒竊留嗣中十餘年乃遣中年長齋繡佛故無從又有贈素素詩云纓絕鉤遺漏欲分留疑送客意何勤酒闌明月生瑤樹坐久流螢點繡裙子夜歌來曾是夏巫山夢去總爲雲羞將錦字傳哀怨清聲長依貝葉文晚歸吳下富家翁爲房老以死又聞人鄭琰有寄薛素素詩曰野草城邊油壁車海棠開盡燕飛初愁深司馬卅中淚夢逐蕭娘錦上書二水雲陰桃葉渡四橋春暗浣花居傷心南陌垂楊月夜夜香塵滿客裾猶可想見薛之風流也

酒酣請爲挾彈戲結束單衫聊一試微纏紅袖袒半鞞側度雲鬟引雙臂侍見拈丸
著髻端廻身中之丸竝墜言遲更疾却應手欲發未停偏有致

郎佐卿

汝翼丹
徒人

汝翼故貴公子富于才情好游狹邪有詭詩十卷題曰纏頭集如笛中舊恨留金谷天上新愁問玉
卮江柳眉梢雙鎖恨海棠春盡獨銷魂寶鏡夜寒愁照影畫梁春暖燕歸樓小閣閒情絳蠹空庭
微步出蓮花玉樹經霜凝屈戌垂楊新月桂鞦褭明月小樓關盼盼垂楊深院李師師不減西崑香
奩諸作周樸園書影云趙燕如金陵名姬也寄謝友人送吳箋詩云感君寄吳箋箋上雙飛鵲但
效鵲雙飛不效吳箋薄一時名士皆與之狎郎佐卿事後訪燕如詩云燕子樓前曉日遲蒼黃暗色
歲寒知庭留積雪看教舞榭附青山入畫眉鼓瑟調從翻玉樹當杯人似宴瑤池雲鬟對綸巾白
無奈風塵
雨彩絲

西津別妓

立馬江阜間落潮片帆西上路迢迢人將碧草新晴去魂對青山暮雨銷雲色自依
桃葉渡月明淒斷鳳凰簫樓頭濁酒春堪醉還訪秦淮舊板橋

王伯稠

世周崑
山人

贈歌者

盡說青樓碧玉家，舞風歌月鬪鉛華。自從誤識櫻桃後，懶看閨門路畔花。

聽沈二彈北曲

燕歌撩亂夜絃鳴，訴盡青樓恨別情。四十年前明月夜，夢迴曾聽斷腸聲。

陳薦夫

幼穉閩縣人

破鏡行

徐興公榕陰新檢曰：莆田陳子卿，隨父宦京邸，有鄰女見而悅焉。既而歸閩，女剖妝鏡半規爲贈，且與子卿約如樂昌故事。未幾，子卿鄉薦再入都門，則女已移家他徙，踪跡永絕不復合焉。持破鏡嗚咽不已，幼穉聞其事，爲作破鏡行云。

樂昌寶鏡青銅面，閃爍光圓才一片。憶從生小遇君時，君情搖蕩妾愁癡。時時竝臂迫肩立，持照青閨雙黛眉。銀箏風斷瓶入井，金縷雙鸞不交頸。空持一半表相思，南北分形更分影。妾身不及青峽血，但使菱花空瓦裂。何因繡閣匣中銅，得似延津波。

下鐵

林

章初文福
清人

初文爲乳山老人林茂之之父七歲能詩十三上書督府求自試萬曆元年舉於鄉累上春官不第
僑寓金陵發憤亢直先後下吏其夫人王氏名煙字美君亦能詩關白之亂初文請出海上用奇勦
賊美君寄以詩云海寇無端欲弄兵滿庭文武策誰成兒
夫自有終軍志未必中朝許請纓語多慨激亦女俠也

姊妹行

與姊別時啼頭比姊肩低幾年不見姊眉與姊夫齊春蘭秋菊各芳澤花早花遲總
堪惜生憎一對似花人惱殺千年花下客花時能幾何客恨不勝多翻作相思樹纏
絲復繞蘿鴛鴦宿海底好夢落風波空有素衫淚雙彈向翠蛾寂寂楊花塢迢迢桃
葉渡長江南北頭總是相思路新人本非新故人應是故只道相憐親上親那識相
思苦中苦憶故如望月望圓復愁缺憐新若轉絃一轉一纏綿纏綿復纏綿見妹如
姊面年年春風時那作雙飛燕姊應上山采驪蕪妹莫尊前唱鷓鴣昨日書來無別

話爲儂珍重大姨夫

憶仲姬

逢時把酒對紅顏親爲拈花插翠鬟今日登高人萬里教伊獨上望夫山

代妓送別

春情又爲別離牽舊恨新愁總自憐莫問歸期何日是安排腸斷綠窗前

爲文西寄情

教成歌舞也風流曾學西家得似不今日眉顰非是病爲郎鎖下一春愁

崔季鶯

怕教雪落歌應懶愁作雲飛舞不輕偷向東風啼柳畔一行花雨一聲鶯

徐

渭文長山陰人

文長負才兀暴爲時人所著
四聲猿雜劇與湯臨川並傳

觀金陵妓人走解

解名童子
拜觀音

人似明珠馬似盤超騰隱現不離鞍
各彎鐙底羅鞋窄都在空中翠袖寒
合掌幾回投地去同心雙蝶隔花攢
莫嫌歲歲頻來往家住金陵自不難

明月宮女入道

昭陽隊裡混鉛華垂老參師日半斜
不向秋風怨團扇却教明月進琵琶
朝留楚簾身爲雨夜繡茅君線作霞
見說緱山閒姊妹尙論恩寵舊誰家

劉望岑

鳳陽人

贈朱素娥

素娥名斗兒曲中名妓也善畫山水陳魯南授以筆法與魯南聯句有芙蓉明玉沼楊柳暗銀堤之句爲時所稱鳳陽劉望岑訪之不出投以是詩惺然相見斗兒有送人詩云揚子江邊送玉郎柳絲牽挽柳條長柳絲挽得行人住多向江頭種兩行

曾是瓊樓第一仙舊陪鶴駕禮諸天
碧雲縹緲剛風惡吹落紅塵四十年

丘齊雲

謙之楚人

呼文如館中賦別

呼文如萬曆間江夏營妓也能詩善琴與謙之定情將攜以東謙之父不許文如刺血寄丘詩曰長門當日歎浮沈一賦翻令帝寵深豈是黃金能買客相如曾見白頭吟後謙之赴京道過武昌相見甚喜飲庭中安石榴下復賦一絕呈謙之云安石榴根託謝庭合欵枝上日青青懸知雨露深如許結子明朝似小星相與涕泣而別有一時雙淚墮金卮之句丘久之還里文如數語書訂於歸之約丘父母力尼之不果一日雪甚丘方倚樓念文如忽一小艇飛楫渡江直抵樓下推蓬而起則文如也相見驚喜因言錫利賈人金將賣妾急買舟潛發稍遲一日夜則落賈人手抱持慟哭乃委禽成禮焉謙之有遙集編都與文如往來贈答者其自序如此

回思往事怨蹉跎復有新愁奈若何清夢不緣神女苦小詞難得雪兒歌隔窗雨逐流蘇墮落葉飛隨翠簾多若問此時留別意雙星七夕在銀河

附呼文如送別丘生後還樓感賦

莫問天台落日愁桃花片片水悠悠寒窗一閉秦簫月惹得人呼燕子樓

文如有皂羅袍四時詞云早是燈兒時節見燕兒傲態對對欵斜榆錢兒買不得春風夜楊花兒故意飛殘雪門兒重掩燈兒半滅人兒不見病兒怎說腰兒拖過裙兒搭早是爲兒時候見蓮花兒出水瓣瓣

風流心兒怨火畏紅榴鼻兒酸涕過梅豆門兒重掩簾兒半鈎人兒不見病兒怎瘦扇兒摺疊眉兒皺
早是雁兒天氣見露珠兒奪暑點點侵衣針兒七夕把腸刺砧兒萬戶敲肝碎門兒重掩帳兒半垂人兒
不見病兒怎支書兒難寫心兒事早是雪兒飄粉見梅兒滿酒蘼蕪爭春夢兒凍死
也離魂氣兒呵殺全無影門兒重掩被兒半薰人兒不見病兒怎禁屏兒靠熱牀兒冷

按與文如同時有詩妓齊景雲者與士人傳春定情春坐事繁獄景雲爲脫簪珥以供案牘春謫遠成景
雲欲從行不得賦別云一呷春醪萬里情斷腸芳草斷腸爲願將雙淚啼爲雨明日留君不出城春去雲
竟以想念沒又有劉盼春者汴梁樂工女年十八與汴人周恭定情恭父嚴禁之不令通盼春杜門謝客
有雲間富商齋金帛往母欲奪其志不從痛加箠楚恭知之致書使從母命綴一小詞云阻佳期盼佳期
欲寄鶯箋雁字稀新詞和淚題怕分離又分離無限相思訴與誰此情風月知份得詞投纒死及火其尸
獨所佩香囊解好中卽藏周所寄長相思詞也衆皆驚異周藩誠齋爲傳奇曰香囊記二事見梅禹金青
泥蓮花志中誰謂
青樓都滿倖也

卓發之左車蓮句仁和
人有濃離集

秦淮竹枝乙丑五月集范姬文鏡閣賦此詞

楚歌湘曲未須哀遙見燈船趁月開長笛叫雲簫咽水百千神女弄珠來

贈玉勾姬人

忽見寒峰辭翠黛欲留楓樹當紅顏但看肌骨如飄葉便覺胸懷似遠山況是瓊枝

舒上界却教花影落人間從茲露壓雲橫處認作煙姿與霧鬟

附張一如和詩云名花在昔憶難攀忽有濃香發玉顏雙影夜生羅帳月一枝晚出
繡屏山空聞秋思來何處猶覺春風駐此間度與江南後庭曲逐聲應也自低鬟

馮

琦用韞北海
臨陶人

婉兒怨戲東敬承

昨日開金屋君恩別處新難將織錦意去比浣紗人只自憐中婦誰當念下陳嫁郎
何太早不敢怨前薪

今夕是何夕雙星已渡河人間愁織素天上恨停梭春色簾櫳隔秋風枕席多恐君
疑妾妬未敢問修蛾

見說新人好君心豈舊懽離愁隨月滿信誓近秋寒繚素寧堪問茗華半已殘妝成
郎未起寂寞鏡中看

故劍誰相問前魚祇自悲轉因辭寵日私憶合歡時隔牖歌桃葉因風泣柳枝啼痕

還自掩羞遺侍兒知

不寐驚秋早無言坐夜分已拚成棄妾未忍便忘君形影窗前月悲歡夢裏雲如能
念疇昔看取舊湘裙

范

東生烏
程人

洗妝樓歌

結樓黃山曲不礙黃山雲山雲吹作雨漠漠復紛紛紛紛漠漠春何有洗去梨花隔
垂柳花開花落郎未歸樓上美人相憶否

千愼行

無垢東
阿人

題忠順夫人畫像

天山獵罷雪漫漫繡袂斜偎七寶鞍半醉屠蘇雙頰冷桃花一片帶春寒

按忠順夫人卽世所傳三娘子也馮北海亦有題三娘子畫像云點絳春霞鎖芙蓉爭羨胡姬拜漢封綽
膝錦襦珠勒馬當胸寶袂綉盤龍塞北佳人亦自饒白題胡舞爲誰嬌青霜已盡邊城草一片梨花冷不

本事詩卷五

十八

銷紅妝一隊陰山下亂點駝酥醉窮野
塞外爭傳孀子軍遊頭不牧烏孫馬

顧斗英

仲韓七
海人

秦淮小姬

一片春山乍學描纏頭初試紫霞綃章臺無數青青柳最惹東風是嫩條

錢道行

叔達湖
州人

贈姬人李五

秣馬章臺下微波驟目成寫芳蘭葉細流韻竹枝清百折心仍俠千杯態始生情緣
久不作茲復解憐卿

張懋儀

贈張增波

增波名文雲間姬神情湛
若秋水故又以秋水呼之

湖邊三月花如雨樓外雙飛鶴似雲張緒風流隄上柳與君那得不平分

王 山魏人

弔吳盤盈

絃絕秦箏鏡任塵細腰休舞鳳凰茵一枝濃艷埋香土萬顆珍珠滴綉巾行雨不歸魂夢斷落花難伴綺羅春漢皇甲帳當年意縱有芳魂不似真

按盈盈色澤雙絕與王相遇成契未幾夢紅裳美人持一紙告曰玉女召汝堂奏讀覺而告母曰兒不久居人世季後日訪我于東山言已竟卒王復過之弔以詩云後王遊岱岳至絕頂玉女池頭感盈盈之夢又賦二絕句歸至旅次忽夢遊日觀峯見石上題詩筆蹟似盈盈詩云絳闕琳宮鎖亂霞長生未晚棄繁華斷無方朔人間信遠阻麻姑洞裏家歷劫遙翻滄海水濃春難謝碧桃花紫草樹隱瑤池闊風鏤龍嬌日又斜是夕恍惚有所遇云

黃奐記立龍

贈別崔重文

旅舍村醪未忍傾愁聲相伴砌蛩聲不知翠閣清歌處可有人來夜喚名

按崔重文小字胡兒鮑之者目曰媽然室中有幻影閣駒隙所容几庭柳扶疎歸禽頽頽呈態壁間不遺毫末重文有別黃立龍詩八首云昨夜羅幃始覺霜馬嘶寒影候嚴裝曉燈欲暗將離室不道離情畏曙

本事詩卷五

十九

光九月江南似小春偷春花鳥殢歸人妝樓直對長干道愁見行車起暮底楓葉鴉翻秋水明長橋衰柳古今情尋常歌板銀罍地從此傷離不忍行華裾賦別酒初醺水調與歌夜入雲此曲由來能解恨一時淒切半緣君心未去妾心行相顧無聲覺淚聲別後何人照憔悴空餘明鏡解含情莫輕春夢薄殘緣款語關心十五年覆水落花難再合匣琴從此怯危絃留君且住慰淒其少住權棕轉益悲欲絕不知因底事將無真作有情痴亦道三秋只暫時骨驚魂絕已難支章臺二月春風裏莫寄空函付柳絲

李 襄 于田內鄉人

于田左官家居好縱倡樂有所狎女優往來汲澁間于田微服過從與羣優雜處女優登場持鼓板爲按拍久之羣優相與目笑漏言于主人翁主人翁知爲李翰林具衣冠肆筵席再拜延請于田欣然就坐歡飲竟日借主人厖馬與女優連騎而去

戲題示優人

一自封書別建章荷衣當惹蕊珠香逢人白眼唱歌去笑入西坡秋水長

劉黃裳 玄子光州人

楞藕歌

余友季襲美豪蓋一世其姬多慧智襲美授以諸佛妙經蓋箭鋒機也襲

美令宛平政暇卽與擣菹亦游戲三昧者乎因作是歌

龍女誦經香飯畢長安放衙初岸幘桃笙幔展燕寢春試下紅衫輕一擲綠雲點點
玳梁間海燕翩翩對遠山仙人好博雷翻掌玉女投壺電解顏柳揄笑口如飛雪黃
鸝二月爭調舌別有呼盧調轉高一聲鳳叫青天裂風搖花月滿雕窗鬱金醺酒泛
瑤缸雲母屏前憐個個水精簾下愛雙雙一枝醴李倚銀盤纖纖新笋擊琅玕已解
疾馳誇女俠故將遲局媚郎官醉後雙鸞挂海野櫻唇睡出胭脂馬偷得籌來竊玉
符奪將梟去驚銅瓦折腰塵淨館娃前畫眉人在章臺下榜罷么麼性轉靈不彈寶
瑟向君聽仙郎帶酒朝天去還諷如來般若經

顧有翼

佐明吳江人

春日同潘木公飲沙來青較書齋中來青卽席有作倚韻留別

春日風光引興長朝來重到莫愁堂柳當綺閣偏多態花對名姝不惜香錦瑟聲中

冉冉絲絳句裡恨茫茫何須別後方追憶只是尊前已斷腸

華

淑周修無
錫人

堤月聽蘇煙樓上理曲

晚妝燈火照樓新重奏妍詞唱未勻遮莫簾空屏已合隔牆猶有聽歌人

潘之恒

景升歙
縣人

景升僑居金陵留連曲中與名妓朱泰玉鄭無差遊歌度曲泰玉無恙即冒伯塵所集與馬湘蘭
趙今燕爲秦淮四美人者也景升西陵逢楊五詩云翠幃似遊棋葉渡看北空憶莫愁湖知其狎遊
都在臺城
烟水中矣

聽楊生唱崑腔曲

板橋南岸柳如絲柳下誰家楊叛兒白苧尙能調魏譜良輔紅牙原是按梁詞伯龍雨添

山翠通城染潮沒堤痕去路疑年少近來無此曲舊游零落使人悲

蒙叟曰崑言魏良輔者造曲律世所謂崑腔者自良輔始而梁伯龍獨得其傳著沈鈔傳奇梨園子弟喜
歌之按梁名辰魚亦崑山人景升有白下逢梁伯龍感舊云一別長干三十年填詞竄得萬人傳歌梁舊

燕雙棲處不是
烏衣亦可憐

武昌行爲程仲權賦贈張卿

張卿名曉

武昌垂柳百千行
九月西風半夜霜
坐覺危樓鴛瓦裂
起看殘月鏡波涼
和歌者誰歌折柳
歸客傷心對尊酒
蒹葭白露空江寒
三十春風亦何有
長歌聯臂踏銅鞮
鼓瑟湘靈處處迷
月滿秦淮通楚夢
片雲猶落小樓西

變江別羅采南

采南名芳潤金陵妓

城邊垂柳拂高樓
塘上蒲生半沒舟
雨過盧家偏好景
洗開新月曲如鉤
屈指青樓第幾家
平鋪秋水帶蒹葭
江南有夢隨君去
月色寒飄桂子花

徐

燭興公閩縣人

玉主行

按福清林內卿偶儻好遊狹邪燕姬劉風臺者有聲教坊一見林歛甚託以終身林納爲妾久之去遊吳越間聞姬死疾馳至燕日夜哀慟刻玉爲主賦長短句鐫玉上云入時倒郎懷出時對郎

面隨郎南北復西東芳草天涯堪遠徧勝寫丹青圖勝裝水月殿玉魄與香魂都在此一片未變
林游粵西爲舟人陳亞三所殺沉屍于江蒼梧司理者丙卿友也夜半忽見婦人稱冤狀因呼還
卒嚴捕之搜亞三案得玉主司理大驚索餘
燕伏辜求其屍顏面如生徐爲作玉主行云

燕山幻出蛾眉質翠羽鳴璫金屈膝就中百萬倚門倡若個輕盈稱第一傾城少女
長劉家十五妖嬈未破瓜到處名姬羞粉黛一時佳冶避鉛華櫻唇半啓飄金縷百
轉嬌喉鶯乍乳閒拂朱絃奏鳳凰時拋紅豆調鸚鵡對客閒參湖上禪桃花重製蜀
中箋芙蓉學繡相思枕榆筵羞看買笑錢五陵俠客紛無數爭進千金求一顧妾貌
雖同解語花妾心已作沾泥絮風流閩海說林郎年少曾登遊冶場萬金盡買纏頭
錦贏得聲名遍教坊明珠欲換娉婷女金谷園中貯歌舞滿眼無人荷目成劉姬一
見心相許結束歡然出狹邪九枝銀燭七香車鴛鴦忽比雙飛翼茵茵俄開竝蒂花
珊瑚寶玦流蘇帳蜀錦紫絲縈步障占斷春風歲復年秦箏趙瑟擲還響可憐行樂
在須臾夫婿長游入五湖膏沐嬾施雲鬢亂空牀獨守夜燈孤春花秋月無情去誤

妾佳期等閒度婉意柔情孰與伸千愁萬恨憑誰訴明河耿耿路迢迢望絕音書嘆
寂寥紅頰每於愁處損朱顏多向暗中凋思君不見令人老柳葉雙眉畫慵掃香魂
渺渺落黃泉玉骨纍纍瘞芳草人傳消息五湖西夫婿傷情掩面啼碧沼游魚乖此
目雕梁飛燕失雙棲哀絃斷絲難續死別生離成一哭沉思無計表深情舊得連
城舊時玉磨碧朗潤復輝光賦就悲哀句短長中間自鏤芳卿字未下金刀先斷腸
錦囊裝貯殷勤記鎮日重重牢繫臂東西南北但隨身旦夕何曾暫相棄攬向蒼梧
萬里游逢人開取淚先流鷓鴣叫月悲長夜蛤蚧鳴風感素秋江頭忽遇探丸客化
作杜鵑歸不得黃昏野魅泣精靈暮雨遊燐啼怨魄玉主漂零何處歸芳魂長繞越
江飛夜臺飲恨重相見朽骨含冤事已非蒼梧司理眠官閣忽睹仙姬來綽約含怨
含顰若有詞半羞半怯如相託索索陰風毛骨寒分明環珮響珊珊漸聽鳴咽聲初
遠起視明河漏欲殘心知非幻仍非夢定有幽魂抱深痛綵綫縫裾獲赭衣驟看玉

主神驚動由來此物屬林郎刻玉題詩爲悼亡珍藏久識知懷袖流落何因在異鄉
傷心細向公庭鞠舊鬼哀呼新鬼哭始覺孤身入虎牙更悲俠骨填魚腹詎信蛟龍
不忍吞隨波逐汎幾朝昏千秋重閣曹肝事九辨難招屈子魂吁嗟此事何奇絕名
姓從茲播西粵眞迴白日照重泉果有巖霜飛六月片玉堪將恩遇酬死生肝膽在
紅樓方知白璧能伸恨不獨青萍解報讐

鄒迪光

彥吉無錫人

行經舊院

曲房深院草萋萋不見嬌鶯樹樹啼惟有秦淮舊時月夜深相送板橋西
沈淵淵置妾金陵爲作花燭詞

姚士舜

叔祥海鹽人

蘭缸四照月痕新繡帳牙床疊錦褥不羨鄰家金作屋請看夫婿玉爲人

周綺生移居

按綺生名文嘉興人隸籍曲中口多微詞舉止言論儼如士人值講集分韻有用習家池者綺生笑曰無乃太遠乎舉座拂衣起嘗有詩云掃眉才子多相忌未敢人前說校書蓋自傷也後以屬身非偶蔽衣毀容自摧廢晨夕炷香佛前祈死時作小詞寓意無阿惓惓以死檢其笥中有句云侍兒不解春愁報道杏花零落知者傷之虞山蒙叟傳其事

籬落借春城盤紆覓路生
瓶花攜舊蝶鄰樹換新鶯
粉院宜妝好虛窗叶句清
尋常門外草一倍攪人情

薛潤孃七夕生日

生逢烏鵲渡河秋
乞巧今番免上樓
莫訝眼前多俗物
天孫亦祇嫁牽牛

沈

珣幼玉吳江人

周綺生下居江上賦贈二絕

十里虹橋柳萬株
白蘋紅葉滿清渠
從今管領秋江色
總屬風流女校書
鴉黃初褪晚妝慵
獨上朱樓盼遠鴻
無賴秋光偏欲暮
惱人花外鯉魚風

本事詩卷五

二十八

袁宏道

仲郎公安人

傷周生

按吳人呼妓爲生

淚頭曾見浣春紗
珠箔于今天一涯
紫陌重邀千寶騎
青樓無復七香車
美人南國空湘水
處子東鄰是宋家
記得西廊香閣裏
餅花長插一枝斜

小婦別詩

弱柳輕帆快送人
巫山原是女兒神
願隨潑火清明雨
洗却錢塘十里塵

周應儀

元度吳江人有南北游草

聞歌

桃花扇底落紛紛
宛轉清歌一曲聞
醉殺文園渴司馬
酒壚斜盼卓文君

周

俊

伯英江陰賈客有南岑集

蕪城對酒寄懷張淡雲校書

樓上春雲黯夕陰折花載酒偕同心芙蓉繡幄隱紅燭美人一笑輕千金南浦別離情脈脈柳花繚亂風無力愁來獨上廣陵城江水微茫天一色

贈張淡雲

星河淡淡夜迢迢深院涼生動絳綃傳得揚州新樂府倩誰人並坐吹簫

陳

鶴鳴野海樵
山陰人

海樵工吳歈越曲樛歌菱唱無不盡態極妍與教坊歌者口習如善時綴小詞唱諸曲中作桃花美人行世目爲青樓口師云

桃花美人行

鸞幃鴛閣戀無因珠鏡牙床久自塵相逢柳絮心還亂相見桃花意轉新聊作逍遙步獨立可憐春春日春花復可憐春心飄蕩詎能前自知顏色非春色自惜今年異昔年眉凋難學柳步弱不成蓮臂褪珊瑚釵鬢謝鳳凰鈿行隨雙蝶偏羞寡坐同孤月却憎圓羞寡憎圓兩意深深桃花桃葉一時新但識花心非妾性不將折取寄離人

本事詩卷五

三十

程

奎

徽州人貢士

竹垞詩話景讀癸未湖廣巡撫宋一鶴敗家屬沒官妾金陵陳氏以色惑聞門客王屋聘焉謝參政上選先期娶之奎因作詩嘲笑一時爭傳誦云云

卽事

歌舞叢中度歲華一朝忽去抱琵琶前身定是烏衣燕不入王家入謝家

朱茂暉

常園嘉興縣學生有顧鎮集

聽震澤周蘭阜清曲

落花時已過今夕得逢君不羨龜年曲岐王宅裡聞

吳

璵于庭休寧人

答閨人徐簡簡寄懷

東風妝閣廠簫牙春鎖重扉樹樹花自是王孫歸未得漫隨芳草到天涯

按簡簡字文漪嘉興人填小妻也其寄懷詩云夾岸垂楊捲落花春風咫尺是天涯重門深鎖樓中燕獨有王孫不在家